



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : SHA TIN GOVERNMENT SECONDARY SCHOOL

學校名稱 : 沙田官立中學

Name of Play 劇名 : 鵬飛大廈

Script writer 劇作者 : 朱健滔老師

Synopsis 故事大綱:

市場的世界。

有需求就有供應。

方小姐發現一個女孩站在 88 層高的鵬飛大廈的頂層，正處於跳樓的邊緣。她想做點甚麼來拯救她。在這之前，她遇到了一個不知來歷的年輕人，一些小學生，一些街頭小販和一個外賣速遞員 / 保險代理人，他們都有自己的人生哲學要分享。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

序幕 (這是一個眾人皂世界)

(演出開始的時候，只見 Nata 一個女仔，她慢慢的開始講自己的故事)

Nata : 又到咗回校的時間。無論我點解釋，你都唔信，只在意外人嘅流言蜚語。我當佢係摯友，曾經。(動作入) 我估唔到我地嘅友情原來咁脆弱，竟然因為咁小嘅事就產生隔閡。即使我地再唔係朋友，但點解我要被集體杯葛、中傷？我唔想面對。望住個窗，……，係咪就可以了結一切？咁樣可唔可以令佢背負罪疚感呢？(離開)

BoBo : 「你有啲上進心得唔得啊！」，「你睇吓你個樣，仲廢過 pat 屎」(離開)

Law : 每當我得「一個人」嘅時候，呢把聲，就會係我腦海浮現。好嘈呀！我冇辦法整停佢。(手勢) 切左邊，(手勢) 切右邊。(手勢) 好痛。啲聲音終於停咗。(離開)

雞翼 : 「情緒病大曬？點解佢可以早退架？好差囉！」「我有精神病，阿 sir，我又要早退~」「哈哈哈哈哈.....」(離開)

Angela : (動作入) 可能習慣左，我已經對佢地嘅「講笑」免疫。我抬頭望向個天，好藍，好乾淨，我好鍾意。好叻呀，好辛苦，好辛苦。想請個假，長假，你問幾耐呀？好問題。(離開)

Ice : (動作入) 平安夜個日，由於女朋友嫌我窮，醜同埋矮所以分手，仲要喺琴日送咗部 iPhone 12 比佢，花光所有積蓄，而家人又冇錢又冇，我而家喺萬籟俱寂下，天好黑.....天好黑.....(離開)

秦梅 : (動作入) 今日磅重又重咗 0.5kg，望落去又肥咗一圈，就係因為呢 0.5 kg 搞到我好似豬扒咁，好煩！好亂！好傷心！(離開)

荳芽 : 「唉... 今日又同小恩鬧交喇...」(動作入) 「所有人都唔鐘意我嘅...」小慧係一個好自卑嘅女仔，佢淨係得小恩一個朋友，只不過最近佢地成日鬧交，令小慧覺得自己嘅生存係無價值無意義嘅... (離開)

Natalie : (動作入) 等我遮住數學先~中文，5*、英文，5、通識，5*、數學.....1。哈.....哈哈.....呢鋪連 High Dip 都讀唔到啦哈哈哈哈哈 (離開)

Lily: 點解我咁冇用㗎 讀書唔叻 一技之長又冇 真係好廢 我想像唔到我嘅未來會係點 我見唔到希望 我唔知我喺呢個世上繼續生存落去有咩意義 大家都努力緊 點解我可以淨係瞓喺張床度唔郁 喺度頹... (離開)

Matthew : (動作入) 有一日爸爸突然同我講我有一個同父異母嘅妹妹，當時我感到好興奮因為我一直都想有個妹。第二日爸爸就帶我去見二十年都未見過一次嘅妹，當我第一眼見到呢個‘妹妹’，佢熟悉嘅身形熟悉嘅聲音，原來佢係我面前嘅妹妹就係啱啱先 WhatsApp 完嘅女朋友。我接受唔到！我，衝去天台... (離開)

Rebecca : (動作入) 今日 dse 唔記得帶學生証，搞到錯過考試，想重新再來過，讀 asso 或者重讀一年啦，想找人傾訴一下，直到見到雙別邊藍剔但係都沒人 reply (望 Cam 等五秒) 就係咁簡單 (離開)

冬用 : 可唔可以唔好敢樣呀？(快向上望，手指指向上) 嘩！(離開)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 相遇 (方小姐抬頭望住大廈頂，身邊有好多市民，花生男人)

方 嘩。

花 嘩？

方 點解要咁做呀，好地地？

花 咁樣都唔慌好地地啦。不過今時今日，有邊個好地地吖。

方 你講你自己？

花 唔係～起碼我同你都仲好地地咁企響（指自己所站位置）……地（指方）上面。

方 （沒理會花）點解要咁呀。

花 有咩點解唔點解吖，都係兩個原因㗎啫。

方 咩原因？（一直向上望，沒有望向花）

花 感情原因囉。

方 冇其他嘢？

花 非感情原因囉。

方 即係咩呀？

花 你想聽咩？

方 我想聽例子啫

花 有病囉，情緒病囉，可能係遺傳嫁～

方 仲有冇？

花 考試失手囉，然後除咗讀書乜都唔識囉，生涯規劃做得差囉！

方 仲有冇？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

花 犯咗法囉，要坐監囉……畏罪囉！

方 仲有冇？

花 大把。

方 (沉默) 你喺度亂咁估我覺得你好似唔係好尊重佢。(望上)

花 吓，係你問先啲喎。

方 係~但你冇理由咁答囉。

花 而家個個人都係咁嫁啦~喂！你講嘢咁奇怪嘅，你係咪香港人呀？

方 我？(望上)(沉默)

花 (望上) 喂，識得啲？

方 唔識。

花 似係個女仔喎……係咪呀？

方 (望地面) 點解仲未有警察？

花 警察？今時今日(望到方小姐)……·A~可能根本冇人報警呢？

方 其他人都好似喺度好耐喇喎。

花 (失望地) 你覺得佢地似會報警？

方 報警都有樣睇？

花 有，我就好肯定你先至係會報警嘅人。

(花望眾人，眾人垂下頭，再逐一關 Moon)

方 (上下左右望)(低頭打電話)

花 我睇人好準嫁。

方 你好呀，我要報警，有個人呢……佢企咗喺……。